

蕭炳



新刻平閩全傳卷之一

第一回

南閩起兵十八洞

大將南征胆氣豪

詩 風吹鼉鼓山河動

曰 天上麒麟原有種

太平待詔歸來日

腰橫秋水雁翎刀

電閃旌旗日月高

穴中螻蟻豈能逃

朕與先生解戰袍

話說南閩王藍鳳高在越都為皇城此越都是古閩越地東至海東南盡是大海西北是江西界西南廣東界廣東古名楊州東北福建西北湖廣界當時有左丞相蕭炳右丞相梁玉大元帥薛天雄僥將姜遠伍仁木成盧忠雄兵百萬戰將千員兼管下十八洞洞主所聞王號閩王生有三子長名藍升次名藍飛三名藍鳴



又生一女名叫抱月宮主皇后丁氏身中有孕夢見一輪明月墜落懷中乃產下是一位宮主故名抱月公子年方八歲在百花亭看月忽然有一陣狂風將公子吹落亭下不知去向侍婢忙報知聞王及皇后皇后大哭一場又令人各處查尋並無下落聞王三子之中惟有二太子藍飛十分勇猛兩臂有千觔之力自此南閩王有欲圖天下之意且說飛鵝山飛鵝洞金精娘七起因其原乃廣州府南海縣外七十里金山庄上中有一位秀才名金杜兒三十五歲娶妻林氏尚未生子金杜兒家資巨萬性好讀書在金山起造一間書房自己勤讀是夜看見書館外一道紅光出現金秀才左手提劍右手提燈開書館門將地用劍插開乃是一鼎黃金七秀才曰只願功名如意不貪分外之財依旧用上掩沒進入書房用心勤讀不意妻林氏身中有孕至十月滿足生下一女子生

得十分美貌又眼目聰明可嘉金杜兒十分歡喜至滿月金秀才把此女取名精娘至嘉祐丙午科得中進士奉旨授任河南蘇州府松江縣即日走馬上任俸五日即差四名浚心家人前到廣東撫取夫人同小姐前來赴任家人到廣東南海縣呈上書信林氏夫人看書大喜即日金精娘小姐落了大船揚帆開棹望蘓州而來船至鄱陽湖忽然湖中風浪大作大船傾陷人夫及水手死者甚多林氏夫人幸得漁船救活性命此時精娘年已七歲了竟死於湖中原來此湖中有一隻水蝎作怪被龍王差水卒要捉掣水蝎精到水晶宮問罪水蝎精逃閃無處藏身故將原形脫出將精靈付在精娘死屍內幸遇桃花聖母往瑤池赴會回洞救了精娘到洞奉法至二十七歲聖母曰吾今遣尔下山掌教尔可從吾三戒一戒淫慾二戒殺戮三戒酒肉不可負了吾言精娘領令拜謝



師父教訓即時下山到飛鵝山掌教名曰飛鵝山金精娘上此飛鵝山在漳浦縣城外離城一百里地名娘仔寨便是此金精娘上乃八月十五日上山採藥煉丹路從南閩王御花園經過只見抱月宮主在百花亭賞月即隨時駕起一陣狂風將宮主帶到飛鵝洞金精娘上收抱月宮主為徒弟教他法術至十六歲之時娘仔同抱月宮主出洞採藥至回洞娘上曰吾觀天文南閩地界有數千條紅光冲起不日尔父便要出兵與大宋對敵宋朝能人不少尔明早可收拾回家去助尔父一臂之力亦不失尔孝了此數年功夫抱月宮主拜謝至次早抱月宮主對娘上拜了四拜娘上取出一支炎光劍花標交與抱月宮主拜辭師父出了飛鵝洞駕起土遁來到午門皇門官至銀銮殿奏曰宮主回朝南國王大喜連忙宣進宮主至金階前跪下三呼千歲閩王曰吾兒昔日被

風恬去在於何地宮主奏曰女兒昔日被吹去喜得飛鵝洞金精娘上救了女兒在洞學習兵法今遣女兒下山以助父王一臂之力閩王大喜令宮主入宮朝見皇后丁氏皇后一見兩淚交流宮主參見畢將前事訴了一遍皇后回憂作喜曰若非娘上相救女兒性命難保矣自此在宮中不表再說南閩王藍鳳高於正月十五日在銀銮殿大排筵宴慶會十八洞洞主

第一洞主吳州城魏化
第三洞主碧水洞姚玉
第五洞主紅砂洞紅鴛
第七洞主飛龍洞鄧角
第九洞主天吳洞金真

第二洞主越州城高明
第四洞主天山洞石慶
第六洞主天魔洞盧修
第八洞主鷺江鉄頭麟
第十漳仙洞余席余面

第十一洞寿山洞水偃

第十二洞鉄松洞林青

第十三洞鎮山洞石福

第十四洞水晶洞河清

第十五洞黃草洞杜引

第十六洞清峰洞真人

第十七洞蜈蚣洞金魄

第十八洞蝶仔洞鬼胡

此十八洞俱屬南閩王所管十八洞之中惟有吳州越州二處是城池餘者是洞府各有番偏將把守亦有府庫錢糧在內此飛鵝洞金精娘上不受閩王所管地雖閩地俱無番兵自己收來徒弟五百餘人閩王因抱月宮主是娘上徒弟又兼娘上法力廣大一年四季給下糧米以奉飛鵝衆徒弟金精娘上不時言謝南閩王之厚恩此時南閩王大會十八洞上主酒至半酣閩王開言曰可恨宋朝屢次差官來討進貢孤令馬成鉄假办作商人前去大宋打探虛實馬成鉄回朝奏說大宋俱是奸臣在朝弄權忠臣避位



武將隱逸兵疲馬乏功孤家起兵伐宋未知衆卿意下如何越州高明奏曰大宋如此無道胆敢來討貢獻現我國兵強將勇洞上英雄正好起兵以奪宋室今可將計就計差官前去宋朝納貢外用貢物內用戰書使宋天子一看必然起兵前來那時殺他片甲無存乘得勝之軍殺進大宋擒了宋天子何愁中原之地不為我有乎此乃以逸待勞無有不勝之理閩王大喜卿所謀甚合孤意依計而行傳旨爾們各洞可整甲兵以候大宋對敵各洞主謝恩散筵至次日早朝閩王備金銀銅錫一車差雅里仁帶表章及礼物入宋朝進貢然後各洞主拜辭閩王俱回本洞而去雅里仁帶貢物起行早行晚宿一路無辭來到皇城進了宣化門在館驛中住宿至次早整衣冠帶了表章貢物來至午門報知黃門官宣進金塔跪下口稱萬歲萬上歲奏曰南閩王差官雅里仁前來納

貢仁宗大悅曰南閩久抗貢禮今日納貢可免其罪宣差官進朝
雅里仁聞宣來至金階跪下山呼萬歲將表章禮物奉上持札太
師陳琳將南閩王奏章折開於龍案上仁宗一看龍顏大怒傳令
將差官雅里仁處斬包公出班奏曰陛下看了表章為何龍顏大
怒仁宗曰南閩久有不臣之心今來進表表中言語十分無禮可
惡至極今將表章賜卿一看包公謝恩畢然後立在龍案邊將南
閩所進之表一看其表曰

南閩王藍鳳高書奉大宋皇帝御覽自古之天下非一人之
天下也惟有德者居之今聞宋國君弱臣吝鼠輩滿朝忠良
避世正謂國家將敗之秋也今我南閩鳳凰出現文有安邦
之才武能定國之業雄兵百萬良將不可勝數正謂國家長
旺之時也爾宋朝若肯讓國於孤乃是神人共悅若其執迷



不悟大兵臨境反悔無及矣早為定計勿致有誤以此上聞

包公曰此乃非表章乃戰書南閩不服王化陛下必差大將起大
兵前往征剿方顯大國之威古者列國相爭不殺來使今陛下可
將來使割了二耳放其歸國正是陛下威德並行仁宗吩咐御前
武士將南閩使命割去二耳放其回國雅里仁叩頭謝恩仁宗曰
朕今放尔回國对尔主說朕不日起大兵問罪教尔主洗頸受戮
雅里仁謝恩出朝出了皇城帶後人連星夜抱頭鼠竄望南閩而
回至南閩將宋天子大怒欲起大兵前來征討逐一奏聞閩王隨
寫文書令差官至十八洞宣諭教各洞主整兵以待交戰不表話
說仁宗早朝宣包拯見駕包拯至殿下呼萬歲仁宗曰卿家平
身賜綉盾坐下包公謝恩坐畢仁宗曰南閩無禮胆敢來下戰書
羞辱寡人朕今欲起大兵御駕親征未知卿意下如何包公奏曰

南閩鄙少之境深通江海地屬陋界可令大將帶領大兵伐之可也何勞聖駕遠出仁宗曰卿言是也依卿所奏仁宗問曰爾諸卿等何人可堪為元帥提兵取南閩言之未了班中一人俯伏奏曰臣愿為元帥提兵征伐南閩必然奏凱得勝回朝未知所奏何人且听下回分解

第二回

楊文廣奉詔征閩

且說仁宗舉頭一看乃是國戚張茂即張貴如之父仁宗問曰卿有何能張茂奏曰臣自幼年幸得文武全才行軍佈陣安營對壘件上精通臣今此去征閩止堪三年之內便得奏凱回朝仁宗大喜當殿封張茂為平閩大元帥賜御酒三杯拜了帥印欽賜金花寶馬張茂謝恩出朝仁宗駕退回宮包公猜疑回府張茂帶聖旨

帥印出了午門上馬向府此時比往時不同前呼後擁旗甲鮮明金瓜月斧將旗王令諸大將偏將相隨左右鳴鑼喝道十分威風前軍報曰前面就是天波樓無佞府請元帥令定奪張茂曰奉旨征閩君命在身何惧無佞府令軍士蜂擁開道而過前日楊文廣二十三歲之時化鶴逃回無佞府隱居不出一來為國家多奸吝二來楊家男丁子孫稀少故此無意功名隱逸在家已有二十年幸喜生有四子長曰光正一即次曰光勇二即三曰怀玉三即四四曰怀恩四即四子之中惟有怀玉怀恩二人勇猛楊文廣年已四十三歲此日在後花園教四子武藝忽听鳴鑼喝道從府前經過人馬之声十分開動文廣即令家將出府問之看是何人家將看了入花園跪下稟道啓老令方纔鳴鑼過府者乃是太師張茂文廣曰張茂焉敢如此無礼家將稟曰現今南閩作乱皇上拜張



茂為元帥領兵征閩有聖命在身故此鳴鏑過府文廣嘆曰主上不明焉可此文官為帥此去無不敗之理此匹夫視吾家無英雄大將故敢如此行狀怀玉曰張茂渺視我家待孩兒投在他帳下一來為國立功二來可顯吾家之威風使張茂就不敢渺視吾家文廣曰吾觀此人未曾立功而敢妄自尊大僭越礼仪我免尔此去見他上必尋事來害尔性命此事斷然不可怀玉諾上而退不敢再言文廣長嘆幾声回歸房中杜月英觀丈夫悶愁不樂備酒解憂不表且說怀玉回到房中一夜不能安睡展轉覆枕至五更睡過兄弟等披掛上馬提戟偷出後花園望教場而來行至教場四處寂靜並無一人馬怀玉詢問街市之人有一老人對怀玉言曰張元帥昨日祭旗今早出城南而去衆官在十里亭備酒餞行尚未起程怀玉大喜拍馬從十里亭而來只見旌旗蔽日盛甲鮮明

十分齊整怀玉下馬將戟插地將馬縛在桿上步入亭中守帳軍士喝曰尔乃何人敢大胆竄入中軍帳舉鞭便打怀玉大怒將守帳軍士打倒步至筵前跪下稟曰元帥在上来將楊怀玉拜見張茂曰尔是何家之子一上稟明怀玉曰未將楊文廣第三子怀玉是也張茂曰昔年尔父化鶴飛天而去為何尚在怀玉曰吾父因國中奸吝當權故此隱迹在家生吾兄弟四人今聞元帥征閩未將愿為前部先鋒以效犬馬之勞張茂大怒曰尔父私逃暗藏家中心甚不善尔又敢無礼逆吾將令較乱軍法僭進中軍欲刺本帥若不早除必為後患令刀斧手將怀玉押出斬首衆官驚慌忙向前解劝求免張茂眉頭一皺計上同文廣一企擬罪衆官少時已散張茂曰不殺此小匹夫吾心不安令刀斧手將怀玉押出斬首號令怀玉見此光景眼中流淚悔不聽父親之言致有此禍

再說路花王帶領家將出城在南山打圍消遣至中午方欲回府
總進教場中十分開動亦是怀王合該有救星路花王即時推馬
來至教場觀看見一隊刀斧手押了一位少年將官年紀約有十
五六歲生得白面朱唇熊形虎体恍然有將帥之才因此路花王
近前喝曰刀下留人衆人見是路花王近前口稱千歲未知何事
路花王曰尔們斬此小將何人犯了何罪衆軍士曰此乃無佞府
楊文廣將軍之子排行第三名曰怀玉因今早強進中軍帳欲投
為先鋒元帥大怒以責其闖進中軍犯了軍令故將他斬首示衆
路花王曰軍士們將楊怀玉帶去南清宮審問原由方可施行軍
士說声領命将怀玉帶在路花王馬後望南清宮而來至南清宮
下馬路花王入宮吩咐将怀玉押進怀玉至此心中即絕安跪下
口稱千歲千歲路花王曰前聞尔父化鶴飛去情理如何可一

一奏明怀玉曰家父因奸臣當權隱避在府路花王聞奏大怒曰
此奸賊欲害忠良今必朝說奏陷害文廣吾當進朝啓奏保李尔
父為帥方可平服南閩張茂有何能哉路花王吩咐放了怀玉即
欲進朝奈天色已晚候明早路花王進朝上賀畢仁宗開言曰御
弟乘早進朝有何事故路花王奏曰臣昨日出城打臘後教場經
過見有一位將官押在教場將欲斬首臣查問之乃是無佞府楊
文廣之子怀玉是也昔日文廣化寇逃回隱藏在家雖是抗君之
罪當時亦被奸臣所害故此逃避今聞聖上與兵征南則令其子
克為先鋒為國効力可見其忠不滅亦可將功贖罪念楊家累代
忠良於我宋朝陛下可降旨一道着楊文廣為帥掛印征閩方無
失悞昔時先帝亦盡心以托其重任此南閩乃強悍之地故敢來
下戰書張茂不過寒儒之輩焉能敵得南閩那時敗績豈不被閩

人恥笑依臣愚見張茂奸心不昧必來奏害文廣說他脫逃之罪
臣愿保文廣為帥則南閩可平矣仁宗曰朕亦知文廣之能御弟
所奏極是言未畢忽見張茂抱本進朝俯伏金堦口呼萬歲臣有
表章奏上仁宗令太監將表章展在龍案上仁宗曰卿莫非奏
害文廣乎張茂大驚仁宗曰卿乃文官不習武備可將帥印讓與
文廣張茂本怕仁宗責他害文廣之罪一時不敢爭奪叩頭謝恩
取回帥印再進金堦殿繳還仁宗即時草詔令禮部陳益速到無
佞府宣文廣來朝文廣接了聖旨即時進朝山呼萬歲仁宗看文
廣生得三柳長鬚身穿素服威儀可愛問曰卿累代忠良朕已盡
知今赦卿無罪封卿為平南大元帥統兵十萬前去平閩有功回
朝另加陞賞令文廣整元帥衣冠見駕禮部隨進金盛金甲雲靴
獅鷲帶當殿與文廣穿戴文廣跪下山呼萬歲謝恩仁宗令禮部

執元帥印交與文廣文廣跪下接印又再謝恩仁宗賜三杯御酒
文廣謝恩飲了御酒仁宗曰南閩叛逆來下戰書大辱寡人今令
卿掌大兵征伐望卿盡心掃除南閩奏凱回朝朕當加職封賞卿
其欽哉文廣曰臣受萬歲大恩殺身難報於萬一豈敢不盡力以
報聖恩立即謝恩出朝點岳雲為先鋒此人乃岳勝後裔年方三
十歲用一支青龍刀重八十斤官居統騎將軍之職點孟定國為
左翼焦廷貴為右翼點鎮殿將軍楊唐為運糧官呼延顯為副將
王定六為參軍定六乃王貴之子仁宗又差使令賜有泉宝剑一
口令其先斬後奏又賜空官誥一百道若有可封者宜便委用又
令衆公卿及路花王在顯慶殿賜宴酒至三巡楊文廣全衆公卿
到金堦殿謝恩仁宗曰卿之三子可宣來見朕怀玉聞宣即時俯
伏金堦山呼萬歲仁宗曰賜卿平身今封為指揮使隨征進有功

回朝之日再加陞賞。王謝恩。張茂奏曰：臣聞南閩怪異甚多，遠隔萬里，勞師遠出，况又南閩久不習王化，元帥領大兵一到，懼怕天兵，必然欽服。那時與之和議，兩國安穩，豈不美哉？路花王奏曰：陛下此事不可。南閩久不入貢，心懷不善。今又胆敢來下戰書，羞辱大國，若不除滅，後必為禍。元帥天兵若到，宜當殺滅其國，以歸其地。廣增我宋國疆土，乃為上計。張茂冒奏，暗害忠良。理當革職。仁宗准奏。隨即將張茂革了品職。然後回宮。楊文廣回府拜見祖母太君，說孫兒奉旨平閩，近要起程，先來拜別祖母。太君曰：孫兒此去征閩南方之地，怪異甚多，可令尔母同姑娘一同相助，協力方可成功。文廣拜謝，回到房中。杜月英迎接至房中，坐下。月英曰：妾聞夫君奉旨征閩，妾與飛雲小妹全丈夫出征南方，未知相公意下如何。文廣曰：母親全姑娘征進必平南閩，尔可同飛霞在家。

奉祀祖母以及為人子之礼。杜月英曰：謹依相公備酒，與相公餞行。至次早，聖旨已到。仁宗皇帝擇於二月丙午日出師征閩。到了日期，文廣入朝辭駕，至教場中，宰牛馬犒賞三軍，祭奠室，燻大旗，三声炮响，眾軍起程。至十里長亭，圣上差路花王備酒餞行。文武諸卿俱各齊到，餞別文廣。一七稱謝，然後入朝謝恩。即同木桂英、楊宣娘全眾將等三声炮响，起程望越地而行。行了一月餘，看見前面一座高山，上有金光，甚明。文廣問前面是何名山。眾將告曰：前面乃是武當山。楊元帥傳令眾將士在此山下安營。吾明早要上山參拜上帝。眾將領令在武當山下安扎營寨。未知文廣上山如何，且听下回分解。

第三回

宋兵攻打吳州城

話說文廣明早同叅軍王定六換了衣服步上武當山長老出外
迎接至殿前敲鐘播鼓文廣叩拜畢長老獻茶文廣對長老曰今
夜吾欲借爾禪房安寢要求上帝指示平南何日得班師長老立
即打掃僧房連忙安辦素齋相待是夜文廣至殿焚香祝告畢然
後歸房安寢夢見一位青衣童子近前曰吾奉上帝之命敬請星
君到殿上帝有旨分癸文廣不敢應答童子作前引路轉過一條
石路只見一座殿宇巍峩西棟雕椽童子說星君且停吾先進殿
復旨少時間童子出來曰上帝令星君進殿文廣舉頭一看只見
大殿內堂中坐了一位神道兩邊排列衆神將文廣進來跪下口
稱上帝在上臣文廣拜見上帝曰星君請起賜坐命童子進茶文
廣飲畢謝息上帝曰星君奉旨平閩能經敵十八洞上上俱有邪
術吾今賜爾鉄台弓一枝穿雲箭三把遇有飛刀邪術可將此箭

射去可降服妖法然後用手一招便可收回又有天書三本賜爾
此書乃是六甲靈文爾可觀看精熟陣前自有用處文廣大喜拜
謝上帝出殿隨童子回帳一路松竹成行鶴鹿成群轉過平坦曠
地又有一座石橋石欄杆橋下水聲潺潺水底有金色鯉魚成群
遊玩文廣仗在欄杆觀魚童子背後用力一推曰星主回去罷文
廣跌落水裡一時大驚醒來乃是南柯一夢自思良久靜聽山下
營中更鼓正打三更起來坐在林中灯火微明棹上見有弓箭天
書文廣大喜心思上帝賜我神物此去必然成功至次早上殿拜
謝上帝即同王定六拜辭長老送他紋銀十錠以為香燭之資相
辭回營又發令起程來至一座高山樹林叢雜忽然一陣狂風大
作木葉尽落林中跳出一隻吊睛白額猛虎後有一位壯士手執
銅鎚將虎打死文廣拍馬向前問曰壯士何名那人荅曰吾乃高

蓋是也祖居此處名為閔天嶺父母双亡未有室家在此打臘為生文廣曰吾奉旨征閩意欲壯士相隨陣上立功回朝之日必有封賞勝過在此打獵高善大喜曰若得如此感恩非淺即文廣出了三關從南閩而來不一日到了第一洞就是吳州城在汀州府歸化縣離連江五十里楊元帥大兵來至吳州城離城十里扎下營寨吳州小軍飛報進城來到帥府報與魏化知道魏化聞報問探馬說何人為帥探馬答曰宋朝拜楊文廣為帥領兵五萬離城十里扎下營寨請令定奪魏化賞了探馬令再去打听待吾明日出城擒之且說文廣帶領眾將出營列成陣勢以待只見南陣中炮响城門大開吊橋放下冲出一隊番兵門旗下一員大將面如烏漆頭戴烏鉄盔身穿青銅甲騎下烏騅馬手執青銅大刀宛如天神一獻文廣看見對眾將曰此番將有大將之材不得此人歸

降何愁南閩不滅自已拍馬出陣魏化一見來了一位宋將頭戴雙龍盔身披黃金甲騎下白龍駒手執點鋼鎗面白清俊三柳長鬚果然有元帥之才文廣唱曰番將何人魏化曰吾乃南閩第一洞吳州城洞主魏化是也尔乃何人楊元帥曰吾乃大宋天下駕下平閩大元帥楊文廣是也尔主不守臣節投戰書于大宋我我主大怒差吾領兵前來問罪將軍何不棄暗投明不失封侯之位魏化听了大怒舉刀便砍文廣舉鎗相迎戰了八十餘合文廣暗上稱奇自料此將只宜用智取不可用力敵心思一計撥馬望崗下樹林邊而走魏化暗害縱馬隨後追趕文廣一見魏化趕來將馬一拍望樹林而入魏化追入林中將近文廣身逐文廣連忙腰間拔出流星鎗望魏化馬上打來魏化欲招隔招隔不及那馬中了一鎗咆哮一声四蹄躍起將魏化跌下馬來文廣急下馬扶起

曰吾觀將軍有此英雄何不棄邪歸正投降我家平關之自當貴
共享豈不美哉魏化大喜曰蒙元帥不殺之恩自當尽心歸順待
末將聚集衆將明日開城投降迎接元帥入城楊元帥曰將軍如
此甚妙正是良將擇主而事言未畢只見三郎懷玉同呼延顯領
兵入林中來恐妨元帥有失及至林中見元帥與魏化並馬而行
衆將不知其祥元帥傳令鳴金收軍回至中軍帳坐下衆將參見
畢元帥曰魏化已降明日便好進城參軍曰番將初降未知其心
元帥若要進城宜當隄防恐有詐計元帥曰參軍之言甚是吾觀
此人忠勇至極必無更變之理明日大兵進城不許擾害百姓違
令者立斬衆將應聲得令話說魏化提兵回城至中軍帳坐下對
衆將曰宋朝乃英明之主楊文廣禮賢下士吾已歸降大宋爾們
愿從者相隨不愿從者隨其自便衆將曰愿所將軍之令魏化大

喜令軍士換了大宋旂號至次早開城迎接楊元帥元帥入帳查
明倉庫錢糧出榜安民犒賞三軍記降將魏化頭功在吳州佳馬
三日令魏化居住吳州城家眷勿移又令陳百凌鎮守吳州城然
後點齊大兵殺奔越州城而來行了六日來至越州城元帥傳令
離城五里扎下營寨三軍得令三声炮响安下營寨此城在汀州
府上杭縣永定地界古迹由存未知如何且听下回分解
第四回

越州城高明降宋

話說越州探馬連忙振進城內上帳稟曰啓元帥大宋天子差楊
文廣為帥領兵五萬來至吳州魏化獻關投降今大兵已至越州
城外安下營寨請令定奪高明曰魏化不仁貪生怕死未更大敵
先已報降真怕死匹夫也傳令番兵謹守城門待吾明日與宋兵

見過勝負番軍領命準備明日交戰不提且說文廣至次早分付
三軍飽餐早飯畢傳令排隊出營三声炮响領兵出城來至越州
城下討戰只見炮声叠响城門大開冲出一隊番兵在外排成陣
勢蜈蚣旗下有一員番將頭戴金盔身穿金甲面如重棗口下微
鬚手執金丁東羊鏑騎下青駱馬元帥看見嘆曰不意閩方有此
大將方敢下戰書於我國元帥用馬鞭指之曰番將何人高明荅
曰吾乃閩王部下越州城主將高明是也來者莫非楊文廣乎楊
元帥曰正是本帥高明曰尔主是何道理侵我疆土尔若知死即
速兵退回免作刀下之鬼不然殺尔片甲無存宋陣上岳雲大怒
拍馬向前喝曰元帥休得與他鬪口待末將擒此匹夫高明牽頭
一看見宋陣上冲出一員大將頭包綠巾金額眉身穿青銅甲
騎下青駱馬手執青龍刀高明喝曰來將何名岳雲荅曰吾乃平

南大元帥楊正印先鋒官岳雲是也高明舉鍊便砍岳雲提刀相
迎戰上百餘合不分勝負楊元帥鳴金收軍二比俱各回軍楊元
帥回到中軍帳坐下岳雲上帳稟曰元帥末將方欲擒了高明元
帥何故收兵元帥曰吾觀此將與岳將軍交戰未見勝負只恐兩
虎相鬪必有一傷故此鳴金收兵欲圖一計以擒此將元帥問魏
化曰將軍尔必知高明之着落魏化曰只高明乃越州城六十里
外高陽崗人氏事母至孝文武全材高明在此越州為官其家屬
本不在城內今日我軍初到諒高明家眷未知其祥他父親高重
德與末將父親有八拜之交末將幼時亦常到他家問安其母今
待末將到高陽崗誘高明之母前來何怕高明不降元帥曰此計
甚妙將軍速上行此事魏化領令帶了五十名軍士預備車馬暗
上高陽崗而來至了高陽崗進入高陽庄訪問果然高明家眷

尚住在中魏化大喜至庄門口令門公通報高太七請魏化入內
魏化至堂中見了太七近前行禮口稱伯姆在上小姪魏化拜見
高太七曰久不曾與賢姪相見素時掛念在怀今日賢姪到庄有
何見議魏化稟曰現在大宋起兵征伐吾國宋兵將近越州高賢
弟守城不敢遠離故托小姪前來搬取老伯姆及家眷進越州城
內安置方保無虞高太七十分歡喜曰有勞賢姪了隨分付收拾
家中細軟物件同媳婦李氏孫高容帶同家丁女婢共二十餘人
出了庄門魏化扶太七上車李氏亦上車高容上馬將細軟物件
安在車中一同起身離了高陽庄望越州大路起程行了半日高
太七在車中舉頭一看只見前面一座大營旗旛昭展俱是宋軍
旗號一時着驚喝住停車推車軍士乃是宋兵假功得不容太七
分付送至宋營而入魏化上前請老伯姆下車高太七曰賢姪此

所營寨却是何地魏化稟曰不瞞老伯姆宋朝起兵征伐南閩姪
兒已經投降但是高賢弟自靠猛勇不肯歸順吾奉楊元帥之令
請老伯姆前來望老伯姆寫書一封叫賢弟前來歸降共扶明主
不失封侯之位高太七曰宋天子乃仁德之君降者得其所矣遂
下車同魏化進入中軍帳楊元帥聞知出帳迎接入後帳木桂英
楊宣娘一同相見行礼坐下木桂英曰老夫人小兒文廣言及令
郎高將軍十分英勇兼有大孝故請太七前來勞煩寫書一封教
令郎前來投降一家圓聚共力平閩富貴必然永固豈不美哉高
太七十分歡喜隨寫書一封交與木桂英木桂英將書交與楊懷
玉道孫兒爾將此書交與爾父親令人前到越州投見高將軍懷
玉領命執書到中軍帳稟知父親文廣歡喜隨令偏將謝生前去
越州投書謝生領命出營上馬望越州而來魏化請高明之兒高



容拜見元帥大喜觀高容生成威風後日亦是將門之子即令後
帳款待高明家眷且說謝生來到越州城下叫曰吾奉元帥之令
特來下書守城軍士所見忙進帳稟知高明令開城放入謝生入
城至帥府落馬進入中軍帳行礼畢將書呈上高明將書折開一
看只見上面寫道書付

書付吾兒知之古人有言曰良禽擇木而栖賢臣擇主而事宋
乃仁德之君英明昭著吾兒自持血氣之勇陷尔母於囹圄之
中今遠來降可免尔母性命危在旦夕尔其熟思之

高明看書着驚曰何人用此毒計吾不能不降矣狼主呵非臣不
忠勢不得已耳對謝生道吾母已在宋營焉有不降之理明早迎
接元帥入城就是謝生辭了高明上馬回至宋營稟知元帥文廣
大喜次早領大軍來至越州城見城上換了大宋旗號高明出城

迎接元帥進城高明恭見元帥記了高明功勞查明糧餉出榜安
民犒賞三軍高明入後堂見母親張氏跪下曰累及老母受驚了
高太太曰元帥禮賢下士尔母亦無甚驚恐吾兒尔可隨軍立功
尔母全家眷就在越州居住我兒可將此事稟知元帥高明領命
來中軍帳稟知元帥文廣大喜在越州養馬三日然後起程望碧
水洞而來行了五日至碧水洞地界此洞在建寧府浦城縣離城
五十里之地古迹猶存未知何如且听下回分解

第五回

碧水洞姚玉詐降

話說楊元帥傳令離城五里安營三軍號令三声炮响安下營寨
番兵連忙報入碧水洞姚玉聞知問探事軍曰宋軍為何來得甚
急吳州越州二處交兵事体如何探事人跪下稟曰吳州魏化越

州高明俱各投降故此兵馬勢如破竹姚玉曰吾已知之賞賜探馬銀牌是夜暗上打办一条計策欲害宋元帥次早宋營探事報進中軍帳啓元帥碧水洞監起降旗洞門大開姚玉帶領數十名番兵來宋營報降楊元帥曰碧水洞上主聞吾勢大不敢抵敵前來報降參軍王定六曰番人未有交戰而先自投降莫非有詐元帥宜當隄防元帥曰參軍之言有理宋兵入營報曰姚玉欲進營獻圖元帥令喚入姚玉至中軍帳參拜畢姚玉曰末將知元帥旗開得勝不上數月連取二城末將已畏天威傾心投降現有碧水洞圖籍在廂內望元帥親眼觀之姚玉即將小廂呈上楊元帥曰圖籍在所處姚玉曰圖冊在廂內元帥開看便知明白元帥方欲開看參軍王定六曰不可此物從外而來又在敵人手內姚玉初降其心未伏恐有詐謀可令軍士於營外開看可也元帥沉吟良

久曰參軍之言有理令偏將陳森將廂取在中軍帳外一箭之地開看陳森領命將廂掇在帳外一開只見石响一声廂內所藏者鉛子火藥之類一時火光冲出將陳森燒死軍士被炮打死者百餘人六帥一看喝聲將姚玉拿下衆將各抽出腰刀向前殺來欲擒姚玉姚玉口吐一条烏烟罩住其身一時飛起空中逃回碧水洞而去楊元帥曰若非參軍有先見之機本帥性命休矣但此姚玉不知何往諒必逃回碧水洞傳令大兵順勢攻打碧水洞宋兵得令三声炮响營門大開宋兵踴躍向前尽力攻打碧水洞上內無主番兵大敗被宋兵殺入洞中番兵四散逃走死者甚多降者千餘人楊元帥大驅宋兵入洞查盤府庫錢糧犒賞三軍又查無姚玉家眷番軍稟曰姚將軍並無家眷在洞內素時有言回家但我等不知在何處楊元帥使人細查並不知來歷隨在碧水洞養

馬三日即令升炮起程宋兵浩上蕩上殺奔天山洞而來行了數日到了天山洞宋兵報曰前面天山洞地界元帥傳令離洞五里安下營寨宋兵得令三声炮响在天山洞外安營劄寨此洞在建寧府建朝縣離城五十五里古迹尚存未知如何且听下回分解

第六回

天山洞石慶中箭

話說姚玉飛來至碧水洞見洞被宋兵已破了不敢按下雲頭連忙又再飛起望天山洞而來至了洞口按落雲頭令番兵通报洞主得知天山洞上主石慶出洞迎接至公堂分賓主坐下石慶道將軍鎮守碧水洞事体如何姚玉曰吾觀宋兵連勝數陣吳州越州俱各投降故意假投降用小廂藏鉛子大炮牽用火石頂盖用鉄版此廂一開其火自發故意假降到宋營進獻圖册諒文廣必

然親手開看自料燒死不意文廣令偏將於營外開看是以不致燒死意令衆將來擒吾上見事不成立即飛走今到天山洞相助將軍一臂之力將功折罪狼主必然赦宥石慶曰將軍之計神鬼莫測諒文廣也是命不該絕以致不能燒死將軍協守天山洞若得殺退宋兵吾當轉奏狼主將軍必得高官顯職矣姚玉大喜石慶令番兵備酒與姚將軍壓驚酒至半酣番兵入洞報曰宋兵離城五里安下營寨直來洞外討戰請令定奪姚玉聞報大怒曰宋兵既來在外討戰待吾出陣擒之石慶曰將軍須當主細隨点起番兵一千三声炮响洞門大開宋兵退在平坦之地排成陣勢楊元帥在門旂下一看見姚玉頭戴金箍身穿魚鱗小甲手執鉄棍步戰無騎馬又一番將面貌清秀三柳長鬚頭戴金盔身穿虎皮甲騎下烏騮馬手執双枝竹節剛鞭勒馬在陣門旂下楊元帥看

見姚玉咬牙切齒大罵曰姚玉匹夫馬敵詐騙欲害本帥今番拏住碎尸萬斷姚玉曰昨日燒尔不死今來取尔性命元帥傍邊惱了岳先鋒提青龍刀拍馬向前喝曰待未將擒此匹夫以報昨日之仇舉刀便砍姚玉提棍相迎大戰二十合岳雲將刀撥開棍一手將姚玉鉄甲一扭生擒過馬拋在地上今軍士向前縛了軍士方欲進前只見姚玉口吐烏烟飛上空中逃走回洞石慶提双鞭前來救應挺鎗接住戰有三十合呼延顯自料不能取勝拍馬便走石慶隨後趕來呼延顯將鎗擦住在馬鞍橋抽出宝彫弓搭上箭回身射去石慶見弓弦声响欲躲不及左目中了一箭大叫一声撥馬便走元帥令旂一招宋兵冲殺過來番兵大敗死者五百餘人餘者四散逃走入洞楊元帥見番兵大敗然後打得勝鼓收軍回營話說姚玉飛上空中逃回天山洞番將扶石慶下馬入

洞姚玉見石慶左眼中箭叫痛不止及拔出箭頭血流不止是夜箭瘡大發死於帳中夫人穆氏大哭一場至明日收石慶安葬畢姚玉曰夫人今日有何主意穆夫人曰吾有小叔石福鎮守在鎮山洞今吾夫陣亡莫若同吾子石尚前往鎮山洞安身現今本洞之事姚將軍自己做主就是姚玉曰夫人之言有理隨令偏將袁庭領兵五十名預備車馬送夫人前往鎮山洞夫人拜謝隨入後堂收拾細軟物件裝載上車從洞后小路起程袁庭提刀上馬在後保家眷望鎮山洞而來不提再說姚玉見穆夫人起身了心思宋人猛勇難敵莫若今夜到家中請夫人前來協助豈不美哉是夜吩咐番兵謹守洞門至初更時分吐出一條烏烟飛在空中望百丈穴而來此穴在海澄縣管下後并社尾離社四里有一座山

比中有密婆洞今時天氣清和即有一洞大蝙蝠飛出其翅如簸

箕居民恐他惹禍故建造聖王廟以鎮壓此穴此蝙蝠精則姚玉也自宋朝至今安守穴中並無害人後事勿云再說姚玉飛到百丈穴落了穴中來見飛霞婆飛霞夫人迎接丈夫至內坐下夫人曰相公回來未知何事姚玉曰近日宋朝起兵征伐我國吾交戰數陣俱各不勝今請夫人前到天山洞助吾一臂之力夫人曰宋兵雖是勢大亦難脫得吾之法術既如此即全相公前去二人各吐烏烟飛在空中望天山洞而來進入中軍帳衆番軍迎接備酒接風且說楊元帥得勝回營對參軍王定六石慶中箭諒其必死姚玉此人未服本帥十分憂疑參軍曰吾觀此人俱有妖邪之氣宜緩口圖之元帥曰參軍之言極當至次日点齊大兵直到天山洞討戰姚玉同飛霞夫人聞報領番兵出洞排成陣勢兩陣對圓楊元帥一見蜈蚣旗下一員番女將楊元帥喝曰番女何人飛霞

夫人曰吾乃姚玉夫人是也吾夫被尔等所敗故吾提兵到此以雪丈夫之恨宋陣上焦廷貴大怒拍馬向前喝曰賤婢尔非來雪恨是來尋死舞双斧砍來飛霞夫人提鎗接住兩下交戰金鼓齊鳴喊声大振戰有二十餘合飛霞夫人撓馬便走焦廷貴笑曰賤婢走那里去焦岑來取尔性命了把馬催動隨後趕來飛霞夫人在背後抽出一支青旗插在地上焦廷貴趕到一時間只見前面一團青氣不知飛霞夫人何處去了拍馬冲進只見夫人在青光內大喝曰黑漢看鎗焦廷貴將身一轉肩中了一鎗撓馬便走飛霞用手一招收回青旗隨後趕來馮習提鎗接住喝曰賤人休得無理舉鎗便刺飛霞夫人提鎗交戰上有十餘合飛霞撥馬便走馮習隨後趕來飛霞又於背上抽出一支黃旗拋插在地上將

身閃在旂內馮習追趕飛霞忽見一團黃光不知飛霞何處去了
心內十分疑惑勒馬不敢前進夫人在門旗內觀看用鎗尽力一
刺馮習不及隄防腿中上了一鎗敗馬而走夫人用手一招收回
黃旗拍馬趕來楊元帥大怒曰賤人休傷吾大將提金鎗直刺夫
人舉鎗敵住戟上十合夫人詐敗而走文廣隨後追來飛霞一手
提鎗一手在背上抽出一支烏旗拋插在地上將身閃入門旗內
楊元帥勒馬緩行而追只見前面一團黑氣不見了夫人心思此
女必是用了妖術不可向前受其所害心思一計連忙取出鉄台
弓叩上穿雲箭望黑光中射去飛霞勒馬在旗邊等候已久不見
文廣入旗門陣方欲探頭一看不意楊元帥穿雲箭已到夫人叫
声暖哨射中咽喉墜馬而死雷声一响旗門陣已散元帥用手一
招收回穿雲箭楊元帥將金鎗一指宋兵齊殺過陣來姚玉與岳



雲交戰忽見夫人中箭身亡十分着急即時吐出烏烟飛去走入
天山洞番兵被宋兵殺得一半餘者逃進洞中將洞門緊閉姚玉
已回洞中兩眼流淚曰不意夫人陣亡大事去矣尔等衆番軍明
日可逃往紅砂洞去吾今欲逃往他方以全性命言訖又大哭一
場然後吐出烏烟逃回百丈穴藏身再說楊元帥打得勝鼓收兵
回營衆將賀畢楊元帥曰今日交戰此飛霞所用者原來是五行
旗門遁甲之法旗分五色又一支插在地上即一支則變成一座
陣門此旗上有七七四十九張符印在內若非上帝神箭之妙安
得今日成功衆將拜服元帥次早升帳軍士進帳報道天山洞番
兵逃走洞門大開請元帥定奪元帥令三軍進入天山洞內糧
草俱空楊元帥在洞犒賞三軍養馬三日傳令王祥守天山洞然
後大兵望紅砂洞而來此紅砂洞在延平府大田縣離縣一百里

平陽全傳 卷一
古迹由存未知如何且听下回分解

卷一終

平陽全傳卷二

第七回

紅砂洞南兵大戰

却說元帥大兵起程行了五日來到紅砂洞元帥傳令離洞五里安營扎寨三声炮响振動山岳番兵聞知報入紅砂洞紅鸞洞主曰數日前天山洞逃來番兵說宋兵十分猛勇不意今日果來到吾洞口待吾明日出洞以觀其強弱如何主意已定令番兵緊守洞門以防宋兵攻打至次日番兵進洞報曰啓洞主得知宋兵耀武揚威在洞口討戰紅鸞娘仔大怒提番兵出洞抵敵三声炮响洞門大開番兵排下陣勢宋陣上楊元帥舉頭一看見番陣上旗門下一員女將頭戴鳳冠身穿紅錦甲腰下五彩綉花裙三寸金蓮騎紅脂馬手執双刀拍馬向前元帥曰女將何人紅鸞娘仔道